¶ It is ordeyned by ye avice of ye Maire Counsell & all ye Comons of hull ye last day of septembr~ 3ere of kyng henr~ sext ye xij~ that fro thense forward ye Maire & ye Baille3 sall be chosen euery 3ere morne after Mighelmes day And euery burges beyng present synguler~ by hþm self sall say his avice in secrete wyse no heryng bot two worthi burges chosen by ye Comons & Comon Clerk And ye Comon Clerk to be sworne to titill trewly euery mans voice to whome he has geven~ his eleccion@

¶ Also it is ordeyned ye same day by ye avice of ye Maire Counsell & all ye Comons of hull that ye Chaumberlaynes ye sall be chosen fro hense forward sall lay downe with-in~ viij days after thay be chosen or at ye same day ather of thaym xx li sterling~ vnto ye Chaumberlaynes next befor thaym And if thay faille at ye viij day or at ye viij day after // who so failles . [60] thaym sall pay v markes to fyne and to procede to a+newe eleccion@